




千金方衍義

武 9
176
21





孫真人千金方衍義卷十五下

長洲張璐路玉著



脾臟方下

凡四類

熱痢第七

論一首

論曰余立身以來三遭熱痢一經冷痢皆日夜百餘
行乃至移牀就廁其困篤如此但率意自治者尋手
皆愈乃知此疾天下易治但中性之徒率情矯倨良
藥苦口不能克己早餌朝遇暮過望其自瘥疾勢日
增胃氣漸弱心力俱微食飲與藥皆不能進旣不時

愈便稱痢病難治斯皆自誤也學者須深達斯旨然此病隨宜服一物皆使得瘥惟須力意苦已服食以瘥爲限則無不愈也又大須慎口味重者百日次者一月常恃驕恣者不能自慎興言於此以爲至慨矣古今痢方千萬首不可具載此中但撮其效者七八而已如陟釐丸烏梅丸松皮散等暴痢服之何有不瘥其溫脾湯建脾湯方出下痢篇久下得之焉能不愈大凡痢有四種謂冷熱瘡蠱冷則白熱則赤瘡則赤白相雜無復節度多睡眠澀蠱則純痢瘀血熱則多益黃連去其乾薑冷則加以熱藥瘡則以藥吹灌下部

蠱毒則以蠱法治之藥既主對相當痢者復自勉勵服餌焉有不愈者也凡服止痢藥初服皆劇愚人不解卽止其藥不服此特不可但使藥與病源的相主對雖劇但服不過再三服漸漸自和非其主對者慎勿服也

凡痢病通忌生冷酢滑猪羊雞魚油乳酪酥乾脯醬粉鹹所食諸食皆須大熟爛爲佳亦不得傷飽此將息之大經也若將息失所聖醫不能救

下痢脈滑而數有宿食當下之

下痢脈遲而滑者實也利爲未止急下之

下痢脈反滑當有所去下乃愈

下痢不欲食者有宿食當下之

下痢而腹痛滿爲寒實當下之

下痢腹中堅者當下之

下痢而譫語腹內有燥屎宜下之

下痢二部皆平一作浮按其心下堅者急下之

下痢已瘥至其年月日時復發者此爲下不盡更下之愈風寒重者不可下下之後心下堅痛脈遲一作浮

此爲寒但當溫之脈沉緊下之亦然脈大浮弦下之當已

下痢脈浮大此爲虛以強下之故也設脈浮革者因爾腸鳴當溫之

下痢脈遲緊爲痛未欲止當溫之得冷者滿而便腸垢

下痢身軀疼痛急救裏諸溫之屬可與理中四逆附子湯熱藥急投之美

下痢大孔痛者當溫煖之

下痢腹脹滿身體疼痛者先溫其裏乃攻其表

下痢清穀不可攻其表汗出必脹滿

下痢氣者當利其小便

千金方卷之五
三
下痢脈反浮數尺中自濇其人必清膿血

下痢脈數而渴者令自愈設不瘥必清膿血有熱故也

下痢脈沉強者下重其脈大者爲未止脈微弱數者爲欲自止雖發熱必不死

下痢脈沉而遲其人面少赤身有微熱

下痢清穀必鬱冒汗出而解病人必微厥所以然者面戴陽下虛故也

下痢有微熱而渴脈弱者令自愈

下痢脈數有微熱汗出令自愈設脈緊爲未解

下痢脈弦發熱身汗者自愈

下痢脈大浮弦下當已

下痢舌黃燥而不渴胸中實下不止者死

下痢後脈絕手足厥冷晬時脈還手足溫者生不還

不溫者死生死之決此之謂也

下痢手足厥冷無脈者灸之不溫若脈不還反微喘

者死少陰負趺陽者爲順

凡六腑氣絕於外者手足寒上氣脚縮五臟氣絕於

內者下利不禁下甚者手足不仁也細尋取之萬不

失一下病體略例如此耳

素問曰春傷於風夏爲膿血凡下多滯下也夏傷於風秋必洞泄秋多下水也患是冷也夫積冷積熱及水穀實而下者以大黃湯下之強人勿過兩劑皆消息五六日更進一劑其補澀湯不效者三兩日可進一劑

陟釐丸 治百病下利及傷寒身熱頭痛目赤四肢煩疼不解協熱下利或醫已吐下之腹內虛煩欲得冷飲飲不能消腹中急痛溫食則吐乍熱乍冷狀如溫瘧或小便不利氣滿吐逆下痢不止方

水中陟釐

五兩

紫石英

三兩

漢中木防已

六兩

隴西當歸

四兩

厚朴

一兩

黃連

二兩

上好豉

三升

三歲醇苦酒

五升

右八味以苦酒二升漬防已極令潤出之切以板瓦覆著炭火上以厚紙藉瓦上令色槁燥有餘苦酒復漬之更出熬盡苦酒止勿令火猛徐徐熬令極燥各搗爲末又以餘苦酒三升浸豉一宿明旦以瓦盆盛以一盆覆蒸五升土下須土氣通熱出之研絞取濃汁和藥搗爲丸如雞豆子大懸令陰乾勿見風塵此藥以三丸爲一劑平旦服一劑晝

服一劑暮服一劑皆以水服之若病重藥力未行者但益服之日可四五劑令腹中有藥力飲食消是其效也新服藥未安調當稀糜助藥力心中了然後可作羹臠微冷食之若有時不喜冷食藥力盡耳若欲不復藥者但稍溫食藥力自盡矣服藥不必强多飲水禁熱食魚肉蒜菜酒及辛物肥膩若有風病加防風一兩人虛羸加石斛一兩若宿有下利腸胃損弱者加太一禹餘糧二兩半取石中黃軟香者若婦人產後疾加石硫黃一兩小便黃赤不利加蒲黃一兩依方消息之無不得效也

衍義

陟釐生水中蒙茸如髮而性甘溫能利水散邪猶浮萍之利水發汗也日華搗汁治天行心悶別錄言溫中消穀千金陟釐丸治協熱下利腹中急痛溫食則吐狀如溫瘧兼紫石英治心腹咳逆邪氣漢防已治風寒溫瘧除邪利大小便厚朴治中風傷寒頭痛寒熱當歸治咳逆上氣溫瘧寒熱黃連治腸澼腹痛下利皆本經主治內經腸澼便血雖有身熱則死之說以腸胃受病加以身熱則表裏俱困故主以死然腸澼初起往往有表邪內陷而致下利但當先徹外熱然後專力治裏多有得生

者非久利胃氣告竭虛陽發露之比斯義惟千金得之尤妙在苦酒酸收防已香豉之性以盡緩攻之力此方不特時師所昧并不識陟釐爲何物也

烏梅丸 下痢熱諸治不瘥方

烏梅 一升

黃連 一斤金
色者

右二味蜜丸如梧子服二十九日三夜二

衍義

黃連苦寒本經主腸澼腹痛專取苦燥以堅腸胃配以烏梅益津開胃不使木邪橫干脾土近世醫師每謂初痢後重未除不可使用酸收而千金用此以治暴痢不致熱毒上攻全賴酸收之力詳此

治例又未可一槩論也

松皮散 治積久二三十年常下痢神方

赤松皮去上蒼皮切一斗爲散麩粥和一升服之日三服瘥不過服一斗永瘥三十年痢服之

百日瘥

衍義

松皮燥澀善辟濕熱除脹滿而方書罕用千金獨取以治久痢以痢久諸藥罔效故別出手眼乃以醫所不用病所未嘗之品以療之而前論中又云暴痢服之何有不瘥以其燥而能通澀而不滯故久痢暴痢無不宜之然須用根去外粗皮方有健

脾之功但蒼瘦之人津血不充而多火者切禁
苦參橘皮丸 治熱毒痢方

苦參

橘皮

黃連

黃蘗

鬼臼

一作鬼箭羽

藍青

獨活

阿膠

甘艸

右九味等分爲末以蜜烱膠并手丸之加梧子候
乾飲服十九日三後稍如卒下注痢者大良

衍義

苦參治心腹結氣黃連治腸澼腹痛黃蘗治五臟
脾胃結熱鬼臼辟惡氣不祥藍青解諸毒蠱或獨
活治風寒所擊橘皮除胸中痰熱逆氣利水穀下

氣阿膠止五臟內崩甘艸治五臟六腑寒熱邪氣
合本經諸治則此方辟除毒熱最迅而丸服之法
最緩不過藉以爲應敵之需非但不可峻用而久
服尤爲不宜所以先哲有久服黃連苦參反從火
化之說以苦先入心久而增勝逮所必至至於痢
久胃氣駸衰飲食艱進慎勿誤投以取虛虛之咎
三黃白頭翁湯 治諸熱毒下黃汁赤如爛血滯
如魚腦腹痛壯熱方

黃連

二兩

黃芩

黃蘗

升麻

石榴皮

各六分

艾葉

三分

白頭翁

桑寄生

當歸

牡蠣

犀角

甘艸各一兩

右十二味咬咀以水六升煮取三升分三服

衍義

前苦參橘皮湯治毒痢方張此治熱痢勢劇故用

三黃祛熱歸艾和血甘草犀角解毒白頭翁散結氣桑寄生除風濕升麻升清降濁牡蠣固脫斂津所下已多因以榴皮酸濇收之與前方中之用獨活鬼臼截然兩途此方張全盛之攸分也

龍骨丸 治下血痢腹痛方

龍骨

龍膽

羚羊角

當歸

附子

乾薑

黃連

各三銖

赤石脂

礬石

各一兩半

犀角

甘艸

熟艾

各十銖

右十二味爲末蜜丸如小豆先食服十五丸日三加至二十九

又方

龍骨

當歸

乾薑

熟艾

牛角鰓

各三兩

附子

黃蘗

赤石脂

芎藭

阿膠

厚朴

甘艸

橘皮

芍藥

石榴皮

各二兩

蜀椒

一兩

升麻

一兩半

黃連

半升

大棗

二十枚

右十九味咬咀以水一斗三升煮取四升去滓內牛鰓末阿膠消綿絞去滓分七服日四夜三翼方無橘皮

衍義

前方治久痢滑脫證本屬熱盛因痢久正虛虛能受熱故假薑附熟艾鼓動犀角羚羊龍膽黃連以散本病之熱龍骨礬石石脂以固痢久之脫當歸甘艸以和血氣之傷也 又方彙取三黃白頭翁

湯龍骨丸中諸味更加牛角鰓以固脾虛血脫并以芎芍佐之厚朴破血中滯氣蜀椒溫中下氣大棗以和脾胃之氣也

治血痢方

蒲黃

三合

乾地黄

桑耳

甘艸

芒硝

茯苓

人參

柏葉

艾葉

阿膠

生薑

各二兩

禹餘糧

黃連

各一兩

赤石脂

五分

右十四味咬咀以水一斗煮取四升温分五服

衍義

此治熱痢血脫補中寓攻散中寓斂之法因取金匱柏葉湯換生薑之辛散兼用蒲黃地黃桑耳阿膠之滋血參苓甘草之益氣以助芫硝破積之威卽以禹糧石脂收斂傷殘之餘也

治下雜血方

乾藍

犀角

地榆

各一兩

蜜二合

右四味咬咀以水五升煮取一升半去滓下蜜煎取五合分二服治熱毒蠱妙

衍義

痢下雜血肝脾不藏可知乾藍入肝涼血入脾解

毒并可治疳痢殺蟲故云治熱毒蠱妙犀角善解陽明熱毒血結地榆治七傷五漏下焦之血蜜能和脾解毒止痛也

方

黃連

一升

龍骨

白朮

各二兩

阿膠

乾薑

當歸

赤石脂

各三兩

附子

一兩

右八味咬咀以水一斗煮取五升分五服余以貞觀三年七月十二日忽得此熱毒痢至十五日命

將欲絕處此方藥入口卽定

衍義

此方本熱毒下血絞痛欲死反用薑附以火濟火能無助虐之患乎蓋駐車丸本方原以大劑黃連苦燥爲君乾薑辛散爲使當歸阿膠和血爲佐以解寒熱糾結之邪今因痢血見黑熱毒勢劇乾薑從治之力不足以輔黃連逆調之功略假生附順其性以破亢極之熱并取生木助其脾以理積滯之血又恐藥力過峻卽以龍骨石脂收斂津液熱因熱用瀉中寓補之法惟千金得之夫寒熱之真假證治之逆從今昔醫師罕能辨施求其一人能

辨假熱而以假法誘治者不但可登千金之堂而南陽密諦亦可從此打破矣

白頭翁湯治赤滯下血連月不瘥方

白頭翁 厚朴 阿膠 大棗

黃連 秦皮 附子

黃蘗 茯苓 芍藥

乾薑 當歸 赤石脂

甘草 龍骨 大棗

粳米

右十六味咬咀以水一斗二升先煮米令熟出米

內藥煮取三升分四服

衍義

傷寒厥陰例中白頭翁湯治熱利下重金匱加甘
艸阿膠治下痢虛極更合駐車丸治洞痢無度并
取前方中附子龍骨石脂佐乾薑以固內崩因白
頭翁秦皮黃蘗苦寒萃聚故黃連爲之量減詳白
頭翁湯本治熱痢後重此方條下雖不言後重然
不用白朮而用厚朴其意可知茯苓芍藥大棗粳
米稼穡之類則與白朮功用不殊

治下血日夜七八十行方

黃連

各半兩

右二味咬咀以醇醋三升煮取一升半分再服

治大熱毒純血痢不可瘥者方

黃連六兩咬咀以水七升煮取二升半夜露置

星月下旦起空腹頓服之臥將息卽止不瘥加

黃芩二兩更作服之仍不瘥者以疳痢法治之

治下赤連年方

地榆

鼠尾艸各一升

右二味咬咀以水二升煮取一升分二服如不止

取屋塵水漬去滓一升分二服

古今錄驗云服屋塵汁一小盃

又方

秦皮

如無以櫟皮代之

鼠尾艸

薔薇根

右三味等分咬咀以水淹煎去滓銅器中重釜煎成丸如梧子大服五六丸日三稍增瘥止亦可濃汁服半升

衍義

溫熱襲入肝脾致血不藏而驟下故用連藥之苦寒以堅腸胃之滑脫若久痢不瘥則有駐車丸白頭翁湯等方治法在 純血毒痢雜治罔效專取黃連以治腸澼腹痛不應則加黃芩并力以治腸澼泄痢逐水下血閉皆本經主治然必血紫稠粘胃強能食乃為合宜若血色晦淡食少氣弱者又

為切禁 血痢頻年不瘥必有陳積留滯故用地榆之沉降以理七傷五漏之血鼠尾艸之散結以祛寒熱下痢之積服之不應必是陳垢不散故取屋塵水同氣為治 又方不用地榆而用秦皮入肝斂血鼠尾艸散結導氣兼薔薇根除風熱而利關節以通下滯之血也 治下痢絞痛腸滑不可瘥方

黃連

六兩

阿膠

鼠尾艸

當歸

乾薑

各三兩

右五味咬咀若大冷白多以清酒一斗煮取三升

分三服若熱及不痛者去乾薑當歸以水煮之

衍義

痢下腹痛有寒熱之分若下墜結痛而痛無休止為寒實如絞痛上攻而後重窘迫為實熱亦有痛著臍下有時攻絞者寒熱交錯也此言絞痛腸滑明是火性善動之象故取白頭翁湯駐車丸中各二以黃連之苦寒治本乾薑之辛熱散標當歸以和血止痛阿膠以護陰救崩鼠尾艸專主寒熱下痢以散結氣與白頭翁之功用不殊若熱盛不痛知無氣壅血滯故無藉於乾薑當歸之溫順散結也設痢久正虛脾衰不能司統運之權而完穀不

化又當從事辛溫安有反去二味之理

治熱痢水穀方

黃連

阿膠 各二兩

黃蘗 一兩

烏梅

四十枚

梔子

三十枚

右五味咬咀以水五升煮取二升半分三服亦治

置神良

衍義

痢下水穀不分熱淫於內而腸胃失職故用連蘗苦寒以堅之兼阿膠烏梅護血斂津梔子以治五內邪氣胃中熱氣也人但知梔子能助滑泄所以南陽有病人舊有微瘡不可與之之說曷知千金

專爲火劇勢迫藉此以爲連藥之嚮導然必薑製炮黑可無助泄之虞當知此方原不因虛脫水穀不分起見學者不可以此執疑而致惑也

茯苓湯 治困下空竭欲死滯下膿血日數十行羸篤垂死老少並宜服之方

茯苓

黃芩

黃連

黃蘗

龍骨

人參

乾薑

桂心

當歸

芍藥

甘艸

梔子仁

各半兩

赤石脂

一兩

大棗

十二枚

右十四味咬咀以水五升煮取二升分再服不瘥滿三劑此方主風虛冷痢最佳

衍義

痢久困竭而至本虛極亢雖用連藥芍梔苦折之

味不得參苓歸芍護持之力徒傷正氣虛陽愈熾

所以專賴薑桂之熱因熱用不獨實脾固脫兼取

發越甘艸大棗之甘緩宣通龍骨石脂之瀋滯卽

使風虛冷痢亦藉薑桂參苓可以挽回造化也

溫脾湯 治下久赤白連年不止及霍亂脾胃冷

實不消方

大黃

四兩

人參

甘艸

乾薑

各二兩

附子

一枚大者

右五味咬咀以水八升煮取二升半分三服臨熟下大黃與後溫脾湯小異須大轉瀉者當用此方神效

衍義

溫脾湯為冷痢門中首方而熱痢例中用以小變而治久痢連年不止非人參甘艸不能任大黃蕩滌之威非乾薑附子不能資人參雄健之力乃長沙公附子瀉心湯金匱大黃附子湯之變法咸取附子開結破滯以助大黃推陳致新之功其附子瀉心湯更以苓連佐大黃附子散內陷之表邪大

黃附子湯更以細辛佐大黃附子散經絡之引急此以乾薑人參甘艸佐大黃附子散腸胃之積熱也

黃連湯治赤白痢方

黃連

黃蘗

乾薑

石榴皮

阿膠

各三兩

當歸

甘艸

各二兩

右七味咬咀以水七升煮取三升分三服

衍義

此於駐車丸中減少歸連增益乾薑更於白頭翁湯中裁去白頭翁秦皮而合金匱加甘艸阿膠之

法更加榴皮以固五液之脫也

女萎丸 治熱病時氣下赤白痢遂成匿方

女萎

藜蘆 各三分

烏頭

桂心 各四分

黃連

雲實 各二分

代赭 一分

右七味爲末蜜和丸如梧子大服二丸大下痢宿勿食清旦以冷水服之勿飲食至日中過後乃飲食若得藥力明旦更服如前亦可長服虛羸晝夜百行膿血亦瘥

聖湯 治下赤白痢大孔蟲生悉皆瘥方

鼠尾艸 二兩

豉 一升

梔子仁 不

生薑 各六兩

桃皮 一握

右五味咬咀以水七升煮取二升半分三服一本單用桃皮以酒煮服之

衍義

女萎主風寒灑灑霍亂泄利腸鳴藜蘆雲實並治

泄利腸澼蠱毒烏頭桂心並主心腹冷氣諸痛代諸除腹中毒邪黃連解諸毒性味濕熱生匿者宜之 聖湯亦治濕熱下痢生蟲鼠尾草專主寒熱下痢膿血而散結滯梔子仁除五內邪氣而散濕熱桃根白皮和血殺蟲生薑通神明去臭氣也

治冷熱不調或水或膿或五色血痢方

酸石榴五枚合穀子搗絞取汁二升服五合瘥止

衍義專取酸澀之味以斂耗散之津單方中之得效而恒用者也然惟藜霍乃宜若高粱津血素充積滯暴迫非惟瀉之不應性味亦覺難堪所以靈樞布衣大人不同治也

治赤白滯下方

亂髮雞子大燒末水服不過三服

衍義血餘消瘀生新能去諸竅惡血而五癰關格不通

亦得療之總取消瘀生新之力也

灸法

泄痢食不消不作肌膚灸脾腧隨年壯

泄注五痢便膿血下重腹痛灸小腸腧百壯

泄痢久下失氣勞冷灸下腰百壯三報穴在八魁正

中央脊骨上灸數多尤佳三宗骨是忌鍼

泄痢不禁小腹絞痛灸丹田百壯三報穴在臍下二

寸鍼入五分

泄痢不嗜食雖食不消灸長谷五十壯三報穴在俠

臍相去五寸一名循際

泄痢赤白漏灸足太陰五十壯三報

久泄痢百治不瘥灸足陽明下一寸高骨上陷中去大指岐三寸隨年壯

又屈竹量正當兩膀脊上點訖下量一寸點兩傍各一寸復下量一寸當脊上合三處一灸三十壯灸百壯以上一切痢皆斷亦治濕墜冷脊上當膀點處不灸

又灸臍中稍稍二三百壯

又灸關元三百壯十日灸并治冷痢腹痛在臍下三寸

赤白下灸窮骨以灸數多為佳

冷痢第八

論一首方三十二首

論曰舊治痢於貴勝用建脾丸多效今治積久冷痢先以溫脾湯下訖後以建脾丸補之未有不效者貧家難以充辦亦無可將息也

溫脾湯

治積久冷熱赤白痢者方

大黃

桂心

各三兩

由附子

乾薑

人參

各二兩

右五味咬咀以水七升煮取二升半分三服

與前溫脾

湯小異

衍義

痢雖統屬於脾然移寒移熱多有他藏所及如腎移熱於脾傳爲虛腸澼肝脈小緩爲腸澼腎脈小搏沉爲腸澼下血心肝澼亦下血合諸經義叅之則知腸澼不獨一脾受病良由飲食不節起居不時而陰受之脾爲至陰之藏是必統之於脾原夫所受之邪不過冷熱兩端而人臟腑之氣不無寒熱偏勝以故移寒化熱變幻非常又不可執其兩端以爲定例所以熱痢方中每兼乾薑附子冷痢方中恒用黃連大黃如溫脾湯一方旣用薑附復用大黃中間人參甘艸專助大黃之降泄以治熱

痢則乾薑附子不過爲祛熱痢之內應本方減大黃增附子退甘艸進桂心以治冷痢不過借大黃爲破冷積之前驅寒熱兼該標本兼濟所以冷痢熱痢總不出此方之模範也

建脾丸 治虛勞羸瘦身體重脾胃冷飲食不消

雷鳴腹脹泄痢不止方

鐘乳粉 三兩

赤石脂

好麴

大麥蘖

當歸

黃連

人參

細辛

龍骨

乾薑

茯苓

石斛

桂心 各二兩

附子 一兩

蜀椒 六兩

右十五味為末白蜜丸如梧子大酒服十九日三

加至三十九弱者飲服此方男女通治 集驗無細辛龍骨

增損建脾丸 治丈夫虛勞五臟六腑傷敗受冷

初作滯下久則變五色赤黑如爛腸極腥穢者

方

鐘乳粉

赤石脂 各三兩

礬石

乾薑

茯苓

桂心

石斛

五味子

澤瀉

遠志

寄生

柏子仁

人參

白頭翁

天雄

當歸

石櫛皮

牡蠣

龍骨

甘草 各二兩

右二十味為末蜜丸酒服二十九日三加至四十

丸此二方止痢神驗

衍義

建脾丸建中州之氣以祛冷積之滯即於溫脾湯

中除去大黃加鐘乳石脂龍骨椒辛助參附薑桂

以固下脫麴蘖黃連以除陳氣當歸以和營血石

斛以清胃氣茯苓以通氣化并合黃連石斛以化

石藥之悍也 增損建脾丸專以兜瀉為事僅取

建脾丸本方中八味加礬石橘皮牡蠣五味子助
石脂龍骨以固下脫其間天雄卽附子之變味甘
頭翁卽黃連之變味澤瀉卽茯苓之變味甘艸助
人參以益氣菴蓉助當歸以滋血遠志助天雄以
破積寄生柏仁助白頭翁石斛以散濕熱旺氣也
既用白頭翁石斛澤瀉等味黃連儘可勿用且有
菴蓉遠志五味子補火生土則麴蘖尤爲贅疣
駐車丸 治大冷洞痢腸滑下赤白如魚腦日夜
無度腹痛不可忍者方

黃連 六兩

乾薑 二兩

當歸

河膠 各三兩

右四味爲末以大酢八合烱膠和之并手丸如大
豆候乾大人飲服三十丸小兒以意量減日三

衍義

人身有車皆附脊而行以司精氣神之運度羊車
屬肺分當在上以職司化氣生精故位反在下鹿
車屬腎分當在下以職司化火益氣故位反在中
牛車屬脾分當在中以職司化味歸神故位反在
上此皆平人之常度也修真家惡其順行之性起
滅無常乃修逆行之道以爲內丹之基千金又以
平人失其常度而患下痢崩脫良由鹿車過駛驢

動羊車過度以致精血不藏牛車過疲不能隨鹿車之馳驟以致水穀不尅故用乾薑以助牛車之健運黃連以挽鹿車之傾危阿膠以救羊車之奔迫當歸以理血氣之散亂庶精氣神各歸其統而無崩脫之虞且冷痢得乾薑可瘳熱痢得黃連可瘳冷熱交錯得薑連可解阿膠可滋乾薑之燥當歸可和黃連之寒不特爲久痢神丹尤爲休息之專藥

大桃花湯治冷白滯痢腹痛方

赤石脂

乾薑

當歸

龍骨

各三兩

牡蠣

附子

各二兩

人參

各一兩半

白朮

一升

甘艸

芍藥

各一兩

右十味咬咀以水一斗二升煮朮取九升內諸藥煮取三升分三服膿者加厚朴三兩嘔者加橘皮三兩

衍義

長沙桃花湯本治下痢便膿血故用石脂以固下焦之脫稍配乾薑以理中氣之虛虛能受熱雖挾熱下痢不妨仍用辛熱熱因熱用而爲嚮導也千金乃假此以治冷痢故不憚乾薑之燥熱而與石

脂平配且加附子白朮以助乾薑之雄龍骨牡蠣以佐石脂之澀人參甘艸助氣而收耗散之津當歸芍藥和脾而斂亡脫之血本非傷寒熱傳少陰之下利膿血故無取於粳米之安中固脫也

又方

龍骨

六兩

厚朴

當歸

各三兩

赤石脂

五兩

右四味咬咀以水七升煮取二升半分三服熱加白頭翁二兩半牡蠣三兩

衍義

石脂固脫龍骨斂精厚朴泄滯當歸和血亦桃花

湯之支派

桃花丸

治下冷臍下攪痛方

乾薑

本經之旨

赤石脂

各十兩

右二味爲末蜜丸如豌豆服十九日三服加至二十丸

衍義

借熱治冷變湯作丸所以配合製度絕不相同

倉米湯

治小腹冷氣積聚結成冷痢日夜三四

十行方

倉粳米

半升淨淘乾

薤白

一把去心細切

羊脂

一升熬

香豉

三升以水一斗煎取五升澄清

右四味先以羊脂煎薤白令黃并米內豉汁中煎取四升旦空腹溫服一升如人行十里久更進一升得快利止若利不止更服如前利後進粳米粥豉若復作更服一劑永瘥

衍義

陳倉米能開胃進食薤白治泄利下重香豉解煩熱邪毒羊脂主下痢脫肛腹中絞痛熬熟止勞痢性味甘溫善滋津血燥結而無滑腸動泄之虞千金獨得本經之旨用以滋培貧乏枯癯之痢所以專用穀肉蔬品略無藉於草木根莖也

附子湯 治暴下積日不住及久痢方

附子 一枚

石榴皮 一具

阿膠 二兩

龍骨

甘艸

芍藥

乾薑

黃連

各一兩

黃芩

半兩

粳米 三合

右十味咬咀以水八升煮取三升分三服

衍義

暴痢勢劇火迫之象日久不止熱燥津枯不獨下多亾陰而眞陽亦已告匱故於駐車丸中除去當歸之行血參入芍藥輔阿膠以滋耗竭之眞陰附子助乾薑以扶傷殘之虛陽黃芩佐黃連以屏宿蘊之餘火甘艸粳米緩清脾胃之虛熱龍骨橘皮

急收二腸之滑脫也

治卒下痢湯方

黃連

五兩

生薑

一斤

右二味咬咀以水五升煮取一升頓服未止更合服必效

衍義

下痢起於倉卒多緣外受暴冷內蘊濕熱所以必用黃連苦燥治內生薑辛散治外皆從卒病起見若痢久中虛良非此方可治也

治久痢下純白由積臥冷處經久病發遂令脾胃俱冷日夜五六十行大小腹痛不可忍凡白痢

屬冷赤痢屬熱方

好麴末五升微熬令香溫清醇酒令熱和麴末一升空腹服日三若至食時搗蒜一升令至熟下薑椒末調和如常食之法惟須稠勿加鹽以水和麴二升作饅餅極爛煮之乾漉熱內蒜薑白中相和頓食之少與餘食至飢時仍準前食麴末酒比至瘥來少食餘食以此法治不過兩日無有不瘥

衍義

此方專為僻壤窮鄉無醫無藥積受暴冷致痢腹痛不可忍者設所以專用麴酒胡蒜椒薑易辦之

物無問赤白冷熱但得溫消服之徹效殊非充飫過傷之所宜也

治久冷或痢不痢間但腰腹患苦冷方

新蜀椒三升用醋漬一宿以麴三升和椒一升緊拌煮作粥空腹頓服之加葱豉鹽任性調和不瘥更作以瘥為限不過三升椒即愈此方不但治冷大治諸虛損冷極有所益久當自知

衍義椒性辛竄漬之以醋則下而不上煮之以粥則和而不烈隨分鹽豉可以適口充腸允為貧窶疲勞溫養諸虛之上藥仁人不以鄙下而委之無治也

馬蘭子丸 治積冷痢下白膿方

馬蘭子一升熟熬 附子二兩 乾薑

甘艸各二兩半 神麴 麥蘖

阿膠各五兩 黃連三兩 蜀椒五合

右九味為末蜜丸如梧子服二十九日二以知為度或作散酒調服方寸匕亦佳

衍義馬蘭即蠡實甘溫益胃令人嗜食故可以治積冷

痢下白膿一派辛熱劑中獨用黃連一味不但為積冷之下導并和薑附蜀椒之性也

厚朴湯 治三十年久痢不止方

厚朴

乾薑

阿膠各二兩

黃連五兩

艾葉

石榴皮各三兩

右六味咬咀以水七升煮取二升分再服

衍義

痢久滑脫不止必有冷熱宿滯糾結於中所以發歇不常故用專治休息痢之駐車丸退歸進艾并入厚朴榴皮一通宿滯一止滑脫也

四續丸 治三十年注痢骨立痿黃腸滑不瘥方

雲實

五合熬香

龍骨三兩

附子

女萎

各二兩

白朮

二兩半

右五味爲末以蠟煎烱用丸如梧子大服五丸日

三不過五六服

衍義

四續者痢止而氣血津液續復也方中雲實除泄痢腸澼附子破癥堅積聚白朮健脾氣運積龍骨攝泄利膿血女萎治泄利腸鳴丸用蜜蠟取其味淡入胃本經專主下痢膿血故又名蠟煎丸

椒艾丸 治三十年下痢所食之物皆不消化或

青或黃四肢沉重起卽眩倒骨肉消盡兩足逆

冷腹中熱苦筋搏起止須扶陰冷無子方

蜀椒

三百枚

烏梅

二十枚

熟艾

一升

乾薑

三兩

赤石脂

二兩

右五味椒薑艾下篩梅著一斗米下蒸令飯熟去核內椒薑末合搗三千杵蜜和丸如梧子服十丸日三服不瘥加至二十丸加黃連一升

衍義

蜀椒乾薑溫中石脂烏梅斂脫熟艾恢復元陽溫煖子藏故可治陰冷無子服之若不瘥必有積熱伏匿於中則加黃連以分解之

下痢丸 治數十年痢下氣消穀令人能食夏月長將服之不霍亂方

大麥蘖

法麴

各一升

烏梅 三升半

附子

乾薑

黃連

黃蘖

桂心

各三兩

蜀椒

半兩

吳茱萸

四兩

右十味爲末蜜和丸如梧子食後服十丸日三加至二十丸亦可至四十丸

麥蘖丸 治數十年下痢不止消穀下氣補虛羸

方

大麥蘖

好麴

各一升

附子

當歸

桂心

各二兩

蜀椒

一兩

吳茱萸

乾薑

黃連

烏梅肉

各四兩

右十味爲末蜜和丸如梧子食後服二十九日三
烏梅丸 治久痢諸藥不瘥數十年者消穀下氣

補虛方

烏梅肉

黃連

乾薑

吳茱萸 各四兩

桂心 二兩

當歸 三兩

蜀椒 一兩半

右七味爲末蜜和丸如梧子食後服十九日三

又方 治冷痢久下方

烏梅 二百枚

乾薑

黃連 各十兩

當歸

蜀椒 各四兩

桂心

細辛

附子

人參

黃蘗

各六兩一方用麥蘗

右十味爲末以苦酒浸烏梅一宿去核蒸五升米
下別搗如泥攪令相得內蜜和搗二千杵丸如梧
子食前服十九日三服稍增至二十九

衍義

下痢積年不瘥必然正氣虛寒然能食消穀必有
熱伏於內且濁氣下泄雖能進食不能如期尅運
必有畱滯於中所以首推麴蘗推陳致新連蘗破
除積熱則椒薑萸附之屬得以建溫脾之功烏梅
專收耗散之津液也 麥蘗丸卽於下痢丸中除

去黃蘗增益黃連復加當歸以和脾家之血 烏梅丸又於麥蘗丸中除去麴蘗附子峻溫專尅之味惟以平和溫補爲務 又方乃以細辛代茱萸溫散肝脾之沍寒參合下痢丸中附子黃蘗分解冷熱之交結獨進人參以助中土溫消之力較下痢丸麥蘗丸大義不殊而微細迥別非以心印心幾失先哲之心印

七味散 治痢下久不瘥神驗方

黃連

龍骨

赤石脂

厚朴

烏梅肉 各二分

阿膠 三分

甘艸 一分

右治下 篩漿水服二方寸匕日二小兒一錢匕

義衍

七味藥中但以黃連厚朴祛解濕熱之滯甘艸阿膠滋培偏傷之血龍骨石脂烏梅并收五液之脫在久痢得之爲金鉀暴瀉得之爲戈戟

猪肝丸 治下痢腸滑飲食及服藥俱完出者方

猪肝

熬枯 一斤

黃連 炮

烏梅肉

阿膠

各二兩

胡粉 七菰子大

右五味爲末蜜丸如梧子酒服二十九日三亦可散服方寸匕

義衍

猪肉補陽而肝藏淫火食之能令病發惟血病用
為嚮導此治下痢腸滑必是瘀血積阻脾失健運
所以藥食完出故用猪肝熬枯以攻滯血黃連以
堅腸胃阿膠以滋營血烏梅以斂津液胡粉以鎮
濁惡同猪肝速趨下行而脾胃康復運化不失其
常矣學者不可以猪肝敗血之品反為治痢之用
而致謬謬也

羊脂煎 治久痢不瘥者方

羊脂子一基

白蠟子二基

黃連末一升

酢七合煎取稠

蜜七合煎取五合

烏梅肉二兩

亂髮灰汁洗去垢燒末一升

右七味內銀缶器中湯上煎之攪可丸如梧子飲
服三十九日三

羊稟燥金形氣腸最堅韌而脂有厚腸止痢之功
妙用尤在生煎而滋氣虛枯燥同氣相感之應也
然痢久不瘥雖言正氣虛衰必有熱淫於內又須
連髮以勝伏匿之邪蠟蜜以滋腸胃之燥梅酢以
斂津液之脫與猪肝丸立法懸殊彼取猪肝熬枯
以滌瘀積之滯此用羊脂生煎以滋耗竭之津兩
不移意之法用方者勿誤認羊脂性滑而致扼腕

也

又方

羊脂

阿膠

蠟 各二兩

黍米 二升

右四味合煮作粥一服令盡即瘥

衍義

此方於前劑中但取羊脂蜂蜜加阿膠黍米穀肉之類滋補血氣以無內淫之熱腹無滿痛故無藉於攻熱破積所以黃連血餘等味悉為裁去治大下後腹中空竭胸中虛滿不下食方

芍藥

半夏

甘草 各一兩

厚朴

當歸

桂心 各三兩

生薑

五兩

衍義

右七味以水八升煮取三升分三服二三劑最佳此因攻下而胸中虛滿故以安中下氣為務良非本虛合用溫補之比

治下痢心胸滿不快腹中雷鳴或嘔吐方

黃連

五兩

橘皮

甘草 各二兩

龍骨

生薑

半夏 各三兩

人參

一兩

大棗

十五枚

右八味咬咀以水一斗先煮一大沸乃內藥煮取

三升分四服妊婦服亦良

斷痢湯 治心胸下伏水方

半夏 一升

生薑 五兩

茯苓

甘艸

龍骨 各二兩

附子 一兩

人參

黃連 各三兩

大棗 十二枚

右九味咬咀以水八升煮取三升分三服

瀉心湯 治卒大下痢熱屑乾口燥嘔逆引飲方

人參

甘艸

黃芩

栝蔞根

橘皮 各一兩

黃連 二兩

半夏 三兩

乾薑 一兩

右八味咬咀以水六升煮取二升分三服

胡洽云治老利

衍義

下痢胸滿嘔吐腹中雷鳴頗有似乎傷寒之痞故

借生薑瀉心湯於中裁去乾薑黃芩加橘皮龍骨

下氣固脫端不出瀉心湯之成法 又於前方中

除去橘皮參入真武湯中茯苓附子以破伏水為

急 瀉心湯專治心下痞滿然以按之不痛為虛

故取半夏瀉心湯分解冷熱虛痞緣有屑口乾燥

故加栝蔞根橘皮以滋虛熱燥渴 夫按胸之法

亦有權度每見時師按之過重而痛極難堪良由

湯藥過戕穀氣久絕脾不運動而堅韌如石轉攻

再攻徒竭正氣傷殘之脾必無可去之理噫此雖
蒼生之厄在時師得無轉念歟

香蘇湯 治下痢煩氣暴上方

生蘇一把冬用香豉五兩

右二味以水五升煮取二升頓服之

衍義

下痢而煩氣暴上與傷寒之懊憹不異懊憹用梔
子豉湯病人舊有微瘡者梔子業有垂戒今痢後
虛煩故退梔子而進生蘇既可順氣亦可除煩可
謂善於權變者也

治夏月暴冷忽壯熱泄利引飲熱湯驟變通身浮

腫水道不利脈沉細小數方

澤瀉一兩半 吳茱萸 茯苓

白朮 當歸 犀角

桔梗 青木香 海藻

芍藥 大黃各二兩

右十一味咬咀以水九升煮取三升分三服下後
消息五六日許可與女麴散

衍義

此因夏月暴冷不慎形寒飲冷中外受傷以致壯
熱泄利且或以水灌汗水行皮中而致通身浮腫
故以吳茱萸溫中散結白朮除熱益燥茯苓通小

便導熱桔梗治腹滿腸鳴芍藥利小便益氣當歸
潤腸胃活血青木香降陰氣逆滿犀角解畜血脹
悶澤瀉散水氣浮腫海藻下水腫結氣大黃破癥
瘕積聚合諸味主治則泄利水腫靡不由水道開
泄乃傷寒瘥後從腰已下重有水氣牡蠣澤瀉散
之變方藥雖不類而宗派宛然

女麴散 治痢後虛腫水腫者服此藥小便利得

止腫亦消

女麴 一升

乾薑

細辛

椒目

附子

桂心 各一兩

右六味治下篩酒服方寸匕不知加至二三七日

三產後虛滿者大良

衍義

痢後虛腫非溫不除故萃用附桂薑辛辛熱破結

惟取椒目之瀉水降火女麴以消食下氣止瀉痢

破冷血也

治卒受暴冷下部疼悶方

燒磚令熱大酢沃之三重布覆坐上卽瘥

衍義

卒受暴冷下部疼悶但令酢沃熱磚頻熨以通血

氣別無裏證故無取於湯藥也

疳濕痢第九

論二首
方十首

論曰凡疔濕之痢皆由暑月多食肥濃油膩取冷眠睡之所得也禮云君子盛暑之月薄滋味無食肥濃煮餅此時以不利人也養生者宜深戒之不爾多患疔濕痢耳

凡所患處或著口斷咽喉下部疔與月蝕並不痛令人不覺其治以五月五日蝦蟆角蒿救月木寒食泔淀但得一事單用之燒作灰和臘月猪脂傳之隨手便瘥極須慎口味凡疔慎鹽醬醋酥油棗等一切皆忌惟白飯豉苽菹苦苽蕪菁不在禁限凡吹藥入下部沒中指許深即止

治疔濕下黑醫不能治垂死者方

髑髏灰

熏黃

硃砂

青黛

石鹽

礬石

丁香

麝香

葇荑子

梔子

鐵衣

破故靴底灰

乾薑

細辛

乾蝦蟆

菖蒲

葶藶

芥子

土瓜根

蜀椒

各等分

右二十味治下篩以竹筒吹杏仁大著大孔中所
有患疔瘡上悉傳之其丁香麝香別研搗著藥中

合之 一方有寒食泔淀救月木楸葉爲二十三
味若病大者用灌方如左

麝香

丁香

甘艸

犀角

各二分

右四味治下篩和以鹽蜀椒各三合豉二合以水
二升煮取一升去滓內四味散合和分作二分灌
大孔旦一灌酉一灌之凡久下一月不瘥成疳候
大孔必寬者以此主之

治疳濕久下痢赤白百療不瘥者方

兔頭骨

蛇頭

薪莫子

故緋

並作灰

狸骨

蛻螂

百艸

五月五日
收者

倒掛草

青黛

晚蠶蛾

青礬

丁香

蝎蟲屎

牀中栳木

麝香

苦參

黃蘗

乾薑

角蒿

硃砂

印色鹽

救月木

桂心

鐵衣

芒硝

蝦蟆

黃礬

荏子

葶藶子

各等分

右二十九味治下篩以筒子內下部吹著日一二

度

治疳濕不能食身重心熱脚冷百癰疼痛方

黃芩

芍藥

苦參

甘艸

當歸

蜀椒

甘松

一作甘淀

青黛

熏黃

鼓

各二兩

東引桃根

葱白

各一握

鹽

一合

麝香

半分

猪膽

二枚

右十五味咬咀以水一斗八升煮取四升分爲二分一度灌一分候湯溫如人體然後著麝香猪膽卽灌灌了作葱鼓粥食之後日更將一分如前灌

之七日忌生冷毒物但是油膩醬乳醋忌三十日
大佳

治疳蝕人諸處但是赤血痢久不瘥立著卽瘥祕
方

乾蝦蟆

五月五日收者一枚作灰末

人屎灰

一作髮灰

金銀土塢

各三兩

麝香

一分

銀末

小豆許

右五味治下篩傳瘡上卽瘥三七日忌如前痢者

吹下部

治疳痢不止方

苦參

甘艸

熏黃

各二兩

豉一升半

葱白五莖

蜀椒三十粒

右六味以苦參等三物各搗下篩以水五升煮葱白椒豉取三升以三指撮苦參末等各一內汁中候冷煖如人體先飲少許豉汁食一口飯乃側臥徐徐灌之訖多時臥以不出為佳大急乃出之於淨地當有疳濕蟲如白馬尾狀頭黑是其效也其重者肛大難瘡當取桃枝綿裹頭以前件汁通寒溫烙之須近脊一上三十度烙之乃瘡神驗

又方 崔氏曰晉代之地多二疳蝕人五臟通見脊骨下濃血手足煩疼四肢無力夜臥煩躁不

安面失血色肩髀疼面與手足皆有浮氣或下血乃死治之方

雄黃

青箱子各二兩 苦參三兩

礬石

雌黃

鐵衣

藜蘆各一兩

麝香半兩另研

右八味治下篩以竹管內大孔中酸棗許次內下部中日一不過三度小兒以大豆許此方極救死又方

大麻子

胡麻各一升半

右二味並熬令黃以三升瓦瓶泥表上厚一寸待

泥乾內大麻等令滿以四五枚葦管插口中密泥之掘地作竈倒立竈口底著瓦器承之密填竈孔中地平聚炭瓶四面著塹壘之口入放火燒至明旦開取適寒溫灌瘡濕者下部中一合尋覺咽中有藥氣為佳亦不得過多多則傷人隔日一灌重者再三灌之從旦灌至日夕極覺體中乏力勿怪也非但治瘡濕凡百異同瘡疥癰疽塗之

論曰凡日月蝕時忌食飲腹中生蠱蟲及房室生子不具足必患月蝕瘡亦不得與兒乳日月生後乃不忌令人口臭齒斷宣露常有血出舌上生瘡者皆由犯此所致耳

治月蝕惡瘡臭肉方

硫黃

蘭茹

斑蝥各等分

右三味治下篩傅瘡上乾者以猪脂和傅之日三

夜一

又方

地榆根

薔薇根

吳茱萸根各三兩

右三味治下篩以鹽湯洗瘡傅之日三

八物茜根湯

凡下血者是蠱也以此治之方見後二

十六卷
蠱毒門

疳濕痢證諸治悉皆外用之方究其所主不過辟

除濕熱生蟲解散熱毒而已惟借蠱毒門中八物

茜根湯爲內治之用衍義見蠱毒門其餘諸方隨

所患輕重而取用之可也

小兒痢第十 方三十六首

溫中湯 治小兒夏月積冷洗浴過度及乳母亦
將冷洗浴以冷乳飲兒兒壯熱勿值暴雨涼加
之兒下如水胃虛弱則面青肉冷目陷乾嘔宜
先與此調其胃氣下卽止方

乾薑

厚朴 各一分

當歸

桂心

甘艸 各三分

人參

白朮

茯苓

桔梗 各二分

右九味咬咀以水二升煮取九合六十日至百日
兒一服二合半餘皆隨兒大小

經驗大黃湯

治小兒暴冷水穀下或乳冷下青

結不消或冷實吐下乾嘔煩悶及冷滯赤白下
者若已服諸利湯去實胃中虛冷如冰乾嘔目
陷煩擾不宜利者可除大黃若中乳乳母洗浴
水氣未消飲兒遂爲霍亂宜利者便用大黃不
須利宜溫者除之方

大黃 六分

桂心

厚朴

甘艸

乾薑 各一分

人參

白朮

茯苓

當歸 各二分

桔梗 三分

右十味以水二升半煮取八合凡兒三十日至六十日一服二合七十日至百日一服二合半二百日者服三合

衍義

冷痢用理中湯加桂心當歸兼和氣血之寒更加桔梗升舉於上厚朴溫散於中茯苓分利於下

若冷乳不消蘊熱而爲滯下乾嘔煩悶不安前方

中加大黃一味名經驗大黃湯以微利之不須利者宜溫和之仍用前方可也

黃蘗湯 治小兒夏月傷暑寒寒折大熱熱入胃下赤白滯如魚腦壯熱頭痛身熱手足煩此太陽之氣外傷於寒熱氣入胃服此方良若誤以利藥下之或以溫脾湯下之則熱劇以利藥下之便數去赤汁如爛肉者或下之不瘥復以清熱之藥斷之下既不止培增壯熱者服之卽效或是溫病熱盛復遇暴寒折之熱入腹中下血及如魚腦者服之良方

黃蘗

黃連

黃芩

升麻

當歸

白頭翁一作白薇

牡蠣

石榴皮

寄生

甘艸各二分

犀角

艾葉各一分

右十二味咬咀以水三升煮取一升二合百日兒

至二百日一服三合半

衍義

寒折熱邪而痢下赤白溫下不瘳熱瀉不止惟有

苦燥一法可以轉危就安乃於白頭翁湯中用寄

生代秦皮兼取犀角黃芩以散熱當歸艾葉以和

血牡蠣榴皮以固脫升麻甘艸引入脾家以散伏

匿之邪也

治中結腸丸

斷冷滯下赤白青色如魚腦脫肛

出積日腹痛經時不斷者方

赤石脂五分

吳茱萸三分

乾薑

附子

當歸

厚朴

白朮

木蘭皮

白頭翁

黃連

黃蘗

石榴皮各二分

右十二味為末蜜丸如大豆二歲已上服五丸三

歲已上服十丸十歲已上服二十丸暴下者服少

許便瘥積下者盡一劑更合

前方治寒鬱熱邪下如爛肉故用白頭翁湯中三
味加犀角黃芩以燥濕熱乃寒因熱用之正治此
主積冷滯下下如魚腦亦用白頭翁湯中三味加
乾薑附子以破洩寒乃熱爲寒導之奧旨前方以
寄生佐當歸和血卽此方茱萸佐當歸之意前方
以牡蠣佐榴皮固脫卽此方石脂佐榴皮之意前
方以艾葉佐升麻升舉清陽此方以木蘭皮佐厚
朴溫散滯氣前方以甘艸佐犀角化胃之熱此方
以白朮佐乾薑助脾之陽同宗異派妙義天開
梔子丸 治小小熱痢不止方

梔子 七枚

黃蘗 三分

黃連 五分

礬石 四分

大棗 四分

炙黑

右五味爲末蜜丸如小豆大服五九日三夜二服
不知稍加至十丸

此梔子蘗皮湯之發源彼以熱淤於外而身黃雖
用梔子蘗不得甘艸兼調營衛則外淤之熱不能從
水道開泄也此以熱淫於內而腸澼雖用黃連不
得大棗流布脾津而內淫之熱不能隨梔子蘗下達
也千金以此入兒科方者以嬰兒藏氣未固邪氣
易泄一經清理便可礬石兜瀉亦無微澹梔子之

禁

藜蘆丸 治少小泄清痢方

藜蘆 三分

黃連 三分

附子 一分

右三味爲末蜜丸如麻子以粥飲服二丸立驗

衍義

附子激發黃連之用可謂神矣又以藜蘆激發二味上涌尤爲奇特一彈指而雷厲風行烏有瞋目

且霾之患乎

四物梁米湯 治少小泄注方

梁米

黍米

稻禾 各三升

蠟如彈子大

右四味以水五升東向竈煮梁米三沸去滓復以

汁煮稻米三沸去滓復以汁煮黍米三沸去滓以

蠟內汁中和之蠟消取飲之數試有驗

衍義

安穀者昌脾傷不能安穀所以萃聚諸穀兼以至淡之蠟略無苦味之物以清腸胃之滯專爲嬰兒

畏藥計也

龍骨湯 治少小壯熱渴引飲下痢方

龍骨

甘艸

大黃

赤石脂

栝蒌根

石膏

寒水石

桂心 各二兩

右八味治下篩以酒水各五合煮散二合二沸去滓量兒大小服之

衍義

此方專為痢下津傷煩渴故以龍骨石脂收斂津氣石膏寒水石枯蘘根化熱止渴桂心大黃散結下積甘艸調和諸藥之性寒熱固滌萃於一方亦惟嬰兒可以勝任是法

大黃湯 治少小下痢苦熱不食傷飽不乳方

大黃

麥門冬

甘艸 各一兩

右三味咬咀以水二升煮取一升二三歲兒分三四服

衍義

大黃滌除積熱麥門冬滋培氣化甘艸調和中氣所稟偏燥者宜之若兒肥痰多滑脫殊非所宜

生金牛黃湯 治小兒積下不止因發癰方

生金

三銖一方用六銖無生金熟金亦得

牛黃 三銖

麻黃

二分

黃連

乾薑

人參

甘艸

各一分

細辛 半分

右八味咬咀以水一升六合煮取八合去滓臨服研牛黃以煮湯中嫌兒熱者用生薑代乾薑今世乏生金但用成器金亦善二三兩皆得用之

衍義

痢久脾虛內熱生風而致發癰生金牛黃專除內

動之風黃連乾薑分解交錯之熱麻黃細辛假道於表以泄內鬱之邪甘艸人參填塞其空以杜虛風之擾

澤漆茱萸湯 治小兒夏月暴寒寒入胃則暴下

如水四肢被寒所折則壯熱經日不除經月許變通身虛滿腹痛其脈微細服此湯一劑得效

漸安方

澤漆

青木香

海藻

各二分

吳茱萸

茯苓

白朮

桔梗

芍藥

當歸

各二分

大黃

一分

右十味咬咀以水四升煮取一升半二百日至一歲兒一服二合半一歲已上至二歲一服四合

衍義 嬰兒被非時寒觸而發壯熱熱久不除邪氣內陷而成下痢痢久不止濁氣外鼓而變虛滿急宜破水逐積溫理中土元氣自復祛邪專為養正此方得之

枳實散 治少小久痢淋瀝水穀不調形羸不堪

大湯藥者宜此方

枳實二兩治下篩三歲已上飲服方寸匕若兒

小以意斟酌日三服

治少小洞注下痢方

蒺藜子二升搗汁溫服以瘥爲度

又方

取木瓜汁飲之

又方

酸石榴燒灰爲末服半錢七日三

又方

搗榴汁服之

又方

炒倉米爲末飲服

又方

狗頭骨燒灰水和服之

又方

羊骨灰

鹿骨灰

右二味並水和服之隨得一事卽用之

又方

炒豉令焦水淋汁服之神驗冷則酒淋服

又方

五月五日百草末吹下部

治小兒赤白滯下方

薤白 一把 豉 一升

右二味以水三升煮取二升分三服

又方

栢葉

麻子末 各一升

右二味以水五升煮三沸百日兒每服三合

又方

牛角鰓灰水和服三方寸七佳

又方

燒蜂房灰水和服

又方

亂髮灰

鹿角灰

右二味等分三歲兒以水和服三錢七日三

治小兒赤白痢方

白蘘荷根汁

生地黄汁 各五合

右二味微火煎一沸服之

又方

五月五日蝦蟆灰飲服半錢七

治小兒熱痢方

煮木瓜葉飲之

治小兒冷痢方

蓼菜搗汁量兒大小與之 一方作芥菜

又方

搗蒜傅兩足下

治小兒暴痢方

小鯽魚一頭燒灰服之亦治大人

又方

燒鯉魚骨末服之 一方作龍骨

又方

赤小豆末酒和塗足下日三度油和亦得

治小兒蠱毒痢方

藍青汁一升二合分為四服

治小兒渴痢方

搗冬瓜汁飲之

衍義

枳實消滯

痰藜破積

榴灰榴汁並能瀉腸

倉米培養胃氣

狗骨溫中散瘀

羊鹿骨灰消

堅散滯

香豉辟除一切不正之氣

百艸末收

濕解毒

薤白香豉泄利滯氣

柏葉麻仁涼血

潤腸

牛角鯽止痢散血

蜂房灰辟除邪毒

髮灰角灰散血還元

蘘荷地黃辟蠱散血

蝦

蠟灰殺瘡消積 木瓜伐肝益脾 蓼汁溫中下
氣 搗蒜傳足引熱下行 鱖灰清胃散血 鯉
骨龍骨利水瀉腸 赤小豆利水解毒 藍汁解
毒殺蠱 冬瓜汁利大小腸壓丹石毒 已上諸
方專爲嬰孩痘證未形不宜常用湯藥故彙取丹
方隨證取用庶免傷犯始生天元之氣耳

